

KRATAK ISTORIJAT TENISA

Tenis ta magična riječ koja privlači milione poklonika, čij jezično značenje mnogima nije poznato nastala je od francuske riječi TENEZ. Igrači u Francuskoj na početku igre prije udarca uzvikivali su Tenez što u prevodu znači "DRŽITE". Kada je ova igra prenesena u Englesku, tamo su je nazvali TENIS.

Tenis se kao sportska grana razvijao kroz vijekove. Po nekim zapisima tenis se igrao prije nove ere u Grčkoj, Egiptu i Rimu. Pouzdaniji tragovi su nađeni u Italiji i potiču iz XI vijeka. To su konopci, razne vrste loptica od kože punjene kosom, slamom i sl. Razne vrste reketa: drveni batići, daske, ramovi zategnuti kožnom oputom i sl.

Osnovno obilježje tenisa su lopta, reket i igralište podijeljeno mrežom (ranije zidom) preko koje se prebacuje lopta.

Tenisko igralište, reket i lopta bili su od raznog materijala i veličine i vremenom su se menjali.

Igralište već oko stotinu godina je zadržalo današnji oblik i veličinu.

Gumene lopte pojavljuju se krajem osamnaestog vijeka. U to vrijeme i reketi dobijaju sličan oblik današnjem reketu, drveni su i mreža im je ispletena tankom prirodnom žicom. Nove lopte i reketi omogućili su igranje modernog tenisa.

Tenis je sport koji se po mnogo čemu razlikuje od drugih sportova. To je neopasan sport. Nema direktnog kontakta između igrača u toku igre. Tenis mogu igrati svi uzrasti od djece do starijih ljudi. Na primjer John Rockefeller igrao je tenis u 99 godini. Tri dana prije smrti igrao je tenis. Švedski kralj Gustav igrao je tenis do svoje smrti u 82 godini. Tenis je sport oba pola. To je i porodični sport, može se igrati u okviru porodice. Igra se na otvorenim i zatvorenim prostorima. To je vrlo zdrav sport, posebno kada se igra na otvorenom prostoru.

U srednjem vijeku tenis je veoma popularna igra u Evropi. Igra se na dvorima u Francuskoj, Engleskoj, Njemačkoj, Austriji, Španiji, Italiji, Švicarskoj, Švedskoj i Rusiji, a sredinom XVIII vijeka prenesen je u SAD.

U Francuskoj tenis je imao ime "JEN DE PAUME". U početku se igralo pod trijemovima samostana, da bi se kasnije gradile sobe za loptanje. Sobe za loptanje bile su dvorane dužine 30 metara, a širine 10 metara. Na sredini sobe bio je razapet konopac na visini od oko 2 metra. Igralo se reketima od daske, sličnim daskama koje upotrebljavaju domaćice. Tek u XVII vijeku izrađeni su reketi sa drvenim ramovima nategnutim kožnim žicama.

U Engleskoj je u srednjem vijeku igra prebacivanja lopte preko konopca poznata pod imenom REAL TENNIS. Igrališta za tenis se prave na travnatim površinama pored dvoraca kraljeva i velikaša. Jedno od takvih igrališta sagradio je engleski kralj Henri XII 1529. godine pored svog dvorca u Hampton Hortu. Na istom mjestu postoji i danas tenisko igralište i na njemu se igra tenis.

O igranju tenisa u srednjem vijeku postoje brojni zapisi. O tenisu je pisao u svojim dijelima Šekspir i drugi književnici toga vremena.

U Engleskoj je u XII vijeku u statutu jednog grada data preporuka da se tenis ne igra, već se preporučuju igre sa ratničkim vještinam. Uprkos toj preporuci, tenis se i dalje igra na dvorovima.

U knjizi italijanskog humaniste Antonia Scaine del salo /1519-59/ pod nazivom "Trattato del giuco della palle" objavljena 1555. godine, ima nacrt igrališta kojeg je dao sagraditi francuski kralj Henrik II. To igralište iznenađuje sličnošću sa današnjim teniskim igralištem.

Francuski kralj Charles IX /1550-74/ dao je izraditi pravila i ovlašćenja oko održavanja igrališta, proizvodnje reketa i lopti.

Tenis su igrali kraljevi, posebno francuski i plemstvo, pa je tenis smatran kraljevskom igrom. Francuski kralj Anri II bio je u svoje vrijeme najbolji igrač tenisa. Francuski kralj Luj XIV imao je stalno osoblje koje se brinulo o njegovim teniskim terenima. U XVII vijeku u Parizu ima oko 250 dvorana za igranje tenisa.

U XVII vijeku popularnost tenisa je u opadanju, a poslije Francuske revolucije, tenis u Francuskoj potpuno nestaje.

Oživljevanje tenisa počinje u XIX vijeku u Engleskoj. Izrađuju se ponovo teniska igrališta, tenis postaje sve popularniji. Donose se pravila tenisa, pa se Englezi smatraju utemeljivačima modernog tenisa.

Prva pravila tenisa u isto vrijeme izrađuju Englezi Walter Wingfield i Harry Gem. Od nekoliko sličnih pravila stvorena su pravila za Lawn Tennis. No Englezi smatraju da je prvi autor teniskih pravila Wingfield.

WALTER CLOMPTON WINGFIELD, major, konjički oficir engleske vojske, izradio je pravila igre tenisa na travi i patentirao ih 1874. godine. Igralište koje je patentirao bilo je oblika pješčanog sata. Dužine 18,29 metara, širine 9,14 metara, a u sredini 6,40 metara. Stubovi su bili visine 2,13 metara, a u sredini 1,30 - 1,42 metara.

Wingfield je svoja pravila igre demonstrirao 1872. godine u Londonu, ali bez većeg uspjeha. U decembru 1873. godine ponovo demonstrira novu igru reketima i loptom na igralištu na travi na jednoj kućnoj zabavi u Debnighshreu i to pred većim brojem gledalaca i sa većim uspjehom.

Tenis u Engleskoj postaje sve popularniji. Vrlo brzo se osnivaju teniski klubovi, a 1888. godine osnovan je Teniski savez Engleske THE LAWN TENNIS ASSOCIATION - LTA.

Organizuju se teniski turniri. Tenis se prenosi u druge evropske zemlje i SAD.

U SAD se tenis spominje 1874. godine pod nazivom COURT TENNIS. Prvo službeno prvenstvo SAD održano je 1891. godine u Newportu [Rhode Island].



WALTER C. WINGFIELD, osnivač modernog tenisa


U evropskim zemljama tenis se igra ovim redom: Austrougarska 1885. kada je osnovan Teniski savez Austrougarske. U Francuskoj 1891, u Njemačkoj 1893, u Crnoj Gori 1894, u Belgiji 1895, u Švajcarskoj 1896.

Na prvim Olimpijskim igrama 1896. godine u Atini tenis je jedan od sportova uvršten u Olimpijske igre.


Tenis u Engleskoj postaje sve popularniji. Uočavajući popularnost tenisa, londonski klub "All England and Croquet Club" gradi teniske terene. Godine 1887. klub mijenja ime u "All England Croquet and Lawn Tennis Club". Klub ubrzo organizuje prvi teniski turnir na svijetu na daleko poznatom Wimbledonu. Na turniru igraju dvadeset i dva igrača 9. - 16. jula 1887. godine. Pobjednik turnira je Spencer William Gor. On je prvi pobjednik Wimbledona i neslužbeni prvak svijeta. Od tada pa do danas u isto vrijeme sem u ratnim godinama, svake godine Wimbledon je sastajalište najboljih tenisera svijeta.




**SPENCER W. GOR, prvi
pobjednik Wimbledona**



HERBERT LAWFORD I WILLIAM RENSHAW, u Wimbledonu 1889. godine.



DWIGHT DAVIS I HELCOMBE WARD




Prvi Davis cup susret između reprezentacija SAD i Engleske održan 1900. godine u Bostonu na terenima Longwood Cricket Cluba

Amerikanci su pokretači ekipnog takmičenja u tenisu. Osnivač i donator prvog ekipnog takmičenja, nezvaničnog ekipnog prvenstva svijeta je Dwight Davis, američki reprezentativac i prvak SAD u tenisu. On je došao na ideju da organizuje ekipno takmičenje između SAD i Engleske, koje bi se održavalo svake godine, a koliko bi bilo interesa, takmičenju bi se mogli priključiti i druge zemlje. Porodica Davis je za to takmičenje kupila pokal, koji je plaćen tadašnjih 295 \$. Teniski savezi SAD i Engleske, prihvatili su ideju i prvo ekipno takmičenje između SAD i Engleske u tenisu održano je 9. - 10. avgusta 1900. godine u predgrađu Bostona. Pobjedili su Amerikanci sa 3:0.

Davis kup vrlo brzo postaje ekipno takmičenje od svjetskog značaja.



**Prvi pobjednici Davis cup takmičenja -
američki igrači WHITMAN, DAVIS i WARD**



**Srebrna "salatara" - trofej
namjenjen pobjedniku u Davis
cup takmičenju**